

Broj: 01-16-12-2297-8/22
 Banja Luka, 23-12 2022. godine

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 4/08, 49/09, 32/13, 91/17), člana 25. Zakona o Upravi za indirektno oporezivanje BiH („Službeni glasnik BiH“ broj: 89/05), člana 64. stav (1) tačka b) i člana 70. Stav (3) Zakona o javnim nabavkama („Službeni glasnik BiH“ broj: 39/14), Direktor Uprave za indirektno oporezivanje, d o n o s i

O D L U K U

o izboru najpovoljnije ponude u otvorenom postupku prikupljanja ponuda za nabavku i isporuku serverskih Windows licence i ostalih licenci

I

Najpovoljnijom ponudom u otvorenom postupku prikupljanje ponuda za nabavku i isporuku serverskih Windows licence i ostalih licenci, ocjenjuje se ponuda ponuđača „INTEH“ d.o.o. Banja Luka, ul. Veselina Masleše broj 1 čija cijena ponude iznosi 85.760,00 KM bez PDV, odnosno 100.339,20 KM sa PDV-om.

II

Izabrani ponuđač „INTEH“ d.o.o. Banja Luka, ul. Veselina Masleše broj 1, dostavio je uz ponudu dokaze iz tačke 7.1.3. Tenderske dokumentacije kojim se dokazuje ispunjenost uslova iz člana 45. Zakona o javnim nabavkama, na način kako je to propisano Tenderskom dokumentacijom, te se isti oslobađa obaveze naknadne dostave navedenih dokaza.

III

Po okončanju roka za žalbu, ugovorni organ će sa izabranim ponuđačem zaključiti ugovor kojim će se regulisati međusobna prava i obaveze.

O b r a z l o ž e n j e

Odlukom direktora broj: 01-16-12-2297/22 od 25.10.2022. godine odobreno je provođenje otvorenog postupka za prikupljanje ponuda za nabavku i isporuku serverskih Windows licence i ostalih licenci.

Procijenjena vrijednost nabavke iznosi 102.564,10 KM bez PDV-a.

Sredstva za javnu nabavku su osigurana u Budžetu/Finansijskom planu Ugovornog organa na poziciji 821514.

Slijedom navedene Odluke, dana 30.11.2022. godine izvršeno je objavljivanje Obavještenja o nabavci broj: 743-1-1-119-3-116/22.

Zajedno sa objavljivanjem Obavještenja o nabavci na Portalu javnih nabavki, izvršeno je i objavljivanje na WEB sajtu Ugovornog organa - UIO, a nakon toga i u Službenom glasniku BiH.

Dana 19.12.2022. godine u 12.15h, u prostorijama Uprave za indirektno oporezivanje, Banja Luka, Ulica Bana Lazarevića bb, Komisija u sastavu:

1. Mile Panjak, zamjenik predsjednika Komisije
2. Aldin Sedić, član
3. Saška Umjenović, član
4. Munire Opardija, sekretar Komisije

pristupila je javnom otvaranju blagovremeno pristiglih ponuda.

Na osnovu Izvještaja o preuzimanju Tenderske dokumentacije od strane ponuđača, utvrđeno je da je Tendersku dokumentaciju za nabavku i isporuku serverskih Windows licence i ostalih licenci broj: 01-16-12-2297-1/22 od 29.11.2022. godine, preuzelo 22 ponuđača.

U Zapisniku o otvaranju ponuda broj: 02-16-12-2297-6/22 od 19.12.2022. godine, Komisija je konstatovala da je blagovremeno dostavljena jedna ponuda, i to ponuda ponuđača:

- „INTEH“ d.o.o. Banja Luka, ul. Veselina Masleše broj 1,
te da je isti u svojoj ponudi iskazao cijenu kako slijedi:

Naziv ponuđača	Ukupna cijena ponude	Ponuđeni popust
„INTEH“ d.o.o. Banja Luka, ul. Veselina Masleše broj 1	85.760,00 KM bez PDV, 100.339,20 KM sa PDV-om	-

Komisija je na zatvorenoj sjednici pristupila postupku preispitivanja dostavljene ponude u smislu kvalifikovanosti iste, shodno uslovima propisanim u Tenderskoj dokumentaciji za nabavku i isporuku serverskih Windows licence i ostalih licenci broj: 01-16-12-2297-1/22 od 29.11.2022. godine, te je nakon izvršenog uvida u dostavljenu ponudu utvrdila sljedeće:

Ponuda ponuđača „INTEH“ d.o.o. Banja Luka, ul. Veselina Masleše broj 1, broj: P-132/22 od 19.12.2022. godine, ispunjava sve zahtjeve Ugovornog organa definisane Tenderskom dokumentacijom, te je ista ocijenjena formalno pravno i tehnički prihvatljivom za dalji tok vrednovanja.

Tačkom 3.5. Tenderske dokumentacije predviđeno je da će se u ovom postupku provoditi E-aukcija, u skladu sa Pravilnikom o uslovima i načinu korištenja E-aukcije („Službeni glasnik BiH, broj: 66/16). Navedenom tačkom Tenderske dokumentacije takođe je predviđeno da u slučaju prijema jedne prihvatljive ponude E-aukcija se ne može zakazati, već se postupak okončava u skladu sa članom 69. Zakona o javnim nabavkama.

Nadalje, tačkom 9.1.1. Tenderske dokumentacije propisano je da se u skladu sa članom 64. Zakona o javnim nabavkama ugovor dodjeljuje ponuđaču koji je ponudio najnižu cijenu tehnički zadovoljavajuće ponude.

Slijedom svega navedenog, Komisija daje preporuku direktoru UIO da se u otvorenom postupku za prikupljanje ponuda za nabavku i isporuku serverskih Windows licence i ostalih licenci izvrši izbor najpovoljnijeg ponuđača, te da se najpovoljnijom ponudom ocijeni ponuda ponuđača „INTEH“ d.o.o. Banja Luka, ul. Veselina Masleše broj 1 čija cijena ponude iznosi 85.760,00 KM bez PDV, odnosno 100.339,20 KM sa PDV-om.

Prihvatajući prijedlog Komisije, odlučeno je kao u dispozitivu ove odluke.

Pouka o pravnom lijeku: Ponuđač koji smatra da je Ugovorni organ u toku postupka izvršio povredu odredbi Zakona o javnim nabavkama ima pravo uložiti žalbu.

Žalba se podnosi Uredu za razmatranje žalbi putem Uprave za indirektno oporezivanje, Ulica Bana Lazarevića bb, Banja Luka, u pisanoj formi u tri primjerka, u roku od 10 dana računajući od dana prijema Odluke o izboru najpovoljnijeg ponuđača.

Dostaviti:

1. 01,
2. 02/1 x2,
3. Arhiva.

